



Arkivsaknr: 2025/2849-1
Sakshandsamar: Kristin Moe
Avdeling: Oppvekst

SAKSFRAMLEGG

Driftsavtale Ungdomskontakten Salto

Utvalssak	Utval	Møtedato
	Ungdomsråd	
	Utval for levekår	

Kommunedirektøren sitt framlegg til vedtak:

Alver kommune godkjenner driftsavtale for ungdomskontakten Salto slik den ligg føre.

Politisk handsaming

Saka skal til uttale i ungdomsråd

Saka skal avgjerast i utval for Levekår

Saka gjeld

Ungdomskontakten Salto starta opp som eit treårig prosjekt i september 2007, som eit samarbeid mellom sju kommunar i Nordhordland, Knarvik senter, kyrkja, politiet og Knarvik vidaregåande skule. Etter prosjektperioden har Salto vore i drift frå januar 2011.

Det har vore praksis å vidareføre driftsavtalen mellom kommunane i ein periode på 2-3 år. Framlegg til driftsavtale for perioden 2025-28 blir no lagt fram for politisk handsaming. Det er lagt opp til likelydande prosessar i dei andre samarbeidskommunane.

Saksopplysningar

Frå 2020 er det kommunane Fedje, Modalen, Masfjorden og Alver som samarbeider om ungdomskontakten Salto.

Alver kommune har arbeidsgjevaransvaret for ungdomskontakten Salto.

Målsetjinga for tiltaket er å:

- Oppretthalde drift av lågterskel-tilbod for uorganisert ungdom (rus, valds- og kriminalitetsførebyggjande tiltak)
- Førebyggje vald gjennom tidleg observasjon og intervensjon mot ungdom i faresona
- Hjelp ungdomar til å meistre utfordringar i livet gjennom tilbod om vaksenkontakt

Kjerneaktiviteten for Salto er «ope hus», med ope kvar dag etter skuletid. Onsdag er langdag, med ope frå kl. 13.30-20.30. Dei tilsette driv oppsøkjande arbeid i AMFI Knarvik både før, under og etter skuletid samt på ulike ungdomskular og på Knarvik vidaregåande skule. I tillegg gir dei tilbod om AART-program til skular. AART er et pedagogisk, manualbasert program som består av trening i sosiale ferdigheiter, sinneregulering og moralsk resonnering, ein kombinasjon som har dokumentert god effekt på klassemiljø og utfordrande åtferd.

Salto har samarbeid med skular i regionen, barnevernstenesta, helsetenesta, NAV, oppfølgingstenesta (OT/PPT), politiet, ungdomskoordinator, Nordhordland Næringslag, AMFI Knarvik samt andre frivillige lag og organisasjonar.

Referansegruppa, som består av representantar frå Salto, politiet, Knarvik vidaregåande skule, kyrkja, AMFI Knarvik og Alver kommune.

Partar

Drift av Salto er eit samarbeidsprosjekt mellom kommunane Fedje, Modalen, Masfjorden, Alver og AMFI Knarvik.

Målgruppa for tiltaket er ungdom i ungdoms- og vidaregåande skular.

Vurdering

Frå etablering av prosjektet og fram til i dag, har ungdomskontakten Salto vore eit positivt tiltak for ungdom. Det har vore høge besøkstal på Salto, og ungdomane gir positive tilbakemeldingar om tilbodet.

Tilbakemeldingar frå ungdomane og referansegruppa er at Salto har ein viktig førebyggjande funksjon for miljøet.

Det er ønskjeleg å vidareføre tiltaket, og saka blir difor lagt fram for politisk nivå. Midlar til finansiering av tiltaket er lagt inn i budsjettet for 2025.

Alver kommune vil informere dei tre andre kommunane i samarbeidet i etterkant av politisk vedtak i denne saka.

Økonomiske konsekvensar

Finansiering av tiltaket er fordelt mellom kommunane etter ei prosentvis fordeling der Fedje og Modalen finansierer 2 % av utgiftene, Masfjorden 6 % og Alver 90 %. Den prosentvise fordelinga er sett ut frå ca. besøkstal frå dei ulike kommunane.

Kommunane sine samla utgifter var i 2024 om lag 1 500 000 kroner. Av dette utgjorde Alver kommune sine kostnader 1 340 000 kr.

AMFI Knarvik gir tilskot til ungdomskontakten Salto ved å stille lokale inklusiv straum til disposisjon. Dette er berekna å utgjere om lag kr. 200.000 i året.

Organisasjonsmessige konsekvensar

Vidareføring av Driftsavtale for ungdomskontakten Salto vil i praksis bety at Alver kommune held fram med å ha arbeidsgjevaransvaret for dei to tilsette ved Salto.

Vurdering av særskilte grupper

Salto er eit tilbod til ungdom, og det er gode tal i forhold til besøkjande. Salto er ein arena for ungdom til å møtast, og har vaksne som er tilgjengeleg for samtale, rettleiing og individuell støtte. Ungdom gir gode tilbakemeldingar på tilbodet, og dei deltek aktivt i innhaldet. Ut frå tilbakemeldingar og erfaringar har Salto rolle som ein viktig førebyggjande arena.

Kommunedirektøren si tilråding

Kommunedirektøren rår til at samarbeidsavtalen blir vidareført og at driftsavtale for perioden 2025-2028 blir vedtatt.